

بنت الجيران

بنت الجيران اللي
 بتحكي عن حبيبها
 من زمان
 وتقول جدع
 بنت الجيران كانت
 تشوفه
 من ورا الشباك
 تنكوي بنار الوجع
 والبلد مليانة شُبان
 لكن الهوى ألوان
 حبت عنيه يمكن
 أو كلامه اللي يخلي
 البحر يهدّي والقمر
 سهران
 ولا يمكن حبت
 الفارس ساعة ما
 عيونها لمحتّه راكب

الحصان..
 تحكي عنه تشوف
 في عيونها الندي
 يترسم اسمه علي
 شفايفها الجمال
 بنت الجيران حبه
 وأول ما تيجي سيرته
 تترمي في بر الأمان
 بنت الجيران أول ما
 كانت تكتب عن
 حبيبها كلام
 كانت تتوه منها
 الحروف جوا بحر
 القصيدة
 والحب له توهان
 بنت الجيران بنت
 حلوة.
 وسط مليون حاجة
 وحشة.

والقمر يشهد اللي
قصادها كل يوم
سهران
حلوة أيوه،، دلوعة
ماشي لكنها فى كل
كلمة أصلها ببيان
البنت حبت الولد
وما فى غيره فى البلد
يحقق الأحلام
خدها على حصانه
وطار،،، وقلبه من
الهنا فرحان
وهيّ لوشفتم عنيتها
من الفرح والرمش
آه نعسان
صانت حبيبها وعشرته
وعاشت معاه أجمل
حكاية عشق
كاااان ياما كان

